

PLJAČKE Sud BiH potvrdio oslobađajuću presudu

Ostaje misterija ko je ukrao 2,5 miliona KM s Aerodroma

Tužilaštvo nije dokazalo da su Glavinić i Duvnjak počinili krivična djela

Apelaciono vijeće Suda BiH, kojim je predsjedavala Meddžida Kreso, odbilo je žalbu Tužilaštva BiH i potvrdilo prvostepenu presudu ovog suda kojom su Suad Glavinić i Sađin Duvnjak oslobođeni optužbi za učešće u kradbi 2,5 miliona maraka ABS banke 5. decembra 2007. iz Kargo centra Međunarodnog aerodroma Sarajevo, saopćeno je iz Suda BiH.

Tužilaštvo kroz ponuđene dokaze nije dokazalo da su Glavinić i Duvnjak počinili krivična djela organiziranog kriminala.

Time je jedna od najvećih pljački u BiH ostala nerasvijetljena. Novac nikada nije nađen, a ostalo je nepoznato ko je nalogodavac i ko su četvorica muškaraca naoružana automatskim oružjem i obučena u policijske uniforme s oznakama SIPA-e koji su se vozilom „audi Q7“ dovezli u Kargo centar i odnijeli vreće s novcem.

Glavinić je bio sumnjičen da je kao uposlenik Kargo centra ostavio otključana vrata i omogućio



Sud BiH: Glavinić i Duvnjak s advokatima

ulazak pljačkašima, a Duvnjak da je nekada davno oteo automobil „audi Q7“ koji su pljačkaši kasnije zapalili u sarajevskom naselju Nedžarići.

Zaključak Apelacionog vijeća Suda BiH je da nijedan od prove-

denih dokaza optužbe ne dovodi nesumnjivo u vezu optužene Glavinića i Duvnjaka sa izvršenjem navedenog krivičnog djela.

Glavinića je zastupao advokat Senad Kreho, a Duvnjaka je branio Almin Dautbegović.

B. C.